

**CYNGOR BWRDEISTREF SIROL WRECSAM**  
**ADRAN HAMDDEN, LLYFRGELLOEDD A DIWYLLIANT**  
**GANOLFAN HAMDDEN A GWEITHGAREDDAU'R WAUN**  
**RHEOLIADAU CYFFREDINOL**  
**Perthnasol i Holl Ddefnyddwyr**

**4. Dehongliad**

- (a) Ystyr y "Rheolwyr" yw Cyngor Bwrdeistref Sirol Wrecsam.
- (b) Ystyr "Prif Swyddog" yw Prif Swyddog Hamdden, Llyfrgelloedd a Diwylliant neu unrhyw swyddog a awdurdodwyd i wneud unrhyw ddyletswydd arbennig.
- (c) Ystyr "Canolfan" yw cwrtil cyfan Canolfan Hamdden a Gweithgareddau'r Waun ac unrhyw ran ohono.
- (d) Ystyr "Defnyddiwr" yw unrhyw un sy'n defnyddio'r ganolfan neu unrhyw un o'i chyfleusterau boed hynny'n golygu codi unrhyw dâl neu beidio, ac yn cynnwys gwylwr.

**5. Mynediad**

Gall y Prif Swyddog wrthod mynediad i unrhyw un heb roi unrhyw reswm dros wneud hynny ac yn yr un modd gall fynnu bod unrhyw un yn gadael y Ganolfan.

**6. Difrod**

Nid yw'r Rheolwyr yn derbyn cyfrifoldeb neu atebolrwydd am ddifrod neu golli unrhyw eiddo neu nwyddau neu bethau o fath yn y byd a ddodwyd neu a adawyd gan y defnyddiwr yn y Ganolfan neu unrhyw ran ohoni. Fodd bynnag, caiff pob ymdrech ei gwneud i gael diogelwch cyffredinol da.

**7. Anaf**

Mae caniatâd i ddefnyddio'r Ganolfan a'r holl offer, cyfleusterau ac amwynderau ynddi ar gyfrifoldeb y defnyddiwr ei hun. Ni fydd y Rheolwyr yn atebol am unrhyw anaf corfforol i unrhyw ddefnyddiwr, nac am golled sy'n deillio, heblaw o ganlyniad i gyflwr diffygiol y Ganolfan neu ei hoffer neu oherwydd esgeulustod y Rheolwyr, ei asiantau, swyddogion neu weision.

Ni fydd diffyg neu annigonolrwydd goruchwyllo defnyddio unrhyw gyfleuster yn cael ei ystyried fel esgeulustod oni bai y trefnwyd goruchwyliaeth o'r fath yn benodol gyda'r Prif Swyddog.

**8. Cyfrifoldebau'r Defnyddiwr**

Cydymffurfio â holl gyfarwyddiadau a cheisiadau'r Prif Swyddog.  
Gweithredu a chadw at holl gyfarwyddiadau'r Rheolwyr sy'n ymwneud â defnyddio'r Ganolfan ac ymddygiad ynddo sy'n cael eu cyhoeddi o bryd i'w gilydd trwy rybudd yn yr eiddo ac adeiladau neu fel arall. Talu ar gais y Rheolwyr am unrhyw ddifrod (heblaw am draul deg) a wnaed neu a achoswyd i'r Ganolfan neu i'w gosodiadau, cyfarpar, offer, a dodrefn neu gynhwysion eraill, ac am ddifrod a achoswyd i'r Ganolfan gan y defnyddiwr neu unrhyw rai'n cyfranogi ar y cyd â'r defnyddiwr neu gan unrhyw un dan eu gofal neu reolaeth. Bydd y Rheolwyr yn ardystio maint y difrod a bydd eu penderfyniad yn derfynol.

Rhyddarbed y Rheolwyr rhag pob cais, hawliad, achos a gweithred o ran marwolaeth neu anaf i unrhyw un, neu ddifrodi neu golli eiddo yn perthyn i unrhyw un

(heblaw'r Rheolwyr), yn deillio o ddefnyddio'r Ganolfan, heblaw o ganlyniad i gyflwr diffygiol y Ganolfan neu offer y Rheolwyr neu esgeulustod y Rheolwyr, ei asiantau, swyddogion neu weision.

Sicrhau bod y rhan o'r eiddo ac adeiladau ac unrhyw offer a ddefnyddiwyd yn cael eu gadael mewn cyflwr taclus a threfnus erbyn diwedd cyfnod eu defnyddio.

Ymatal rhag holl ymddygiad sy'n anwedus ac annheg neu sy'n gallu achosi annifyrrwch neu ddifrod i ddefnyddwyr eraill y Ganolfan.

**1. Heb awdurdod y Prif Swyddog, rhaid i'r defnyddiwr beidio â:**

Dod ag unrhyw fwyd neu ddiod neu unrhyw beth atgas i'r Ganolfan.

Dod ag unrhyw anifail na chaniatáu i un aros yn y Ganolfan.

Gwerthu neu gyflenwi unrhyw nwyddau o fath yn y byd i ddefnyddwyr eraill.

**2. Ffôn Symudol:**

Ni chaniateir ffônau symudol yn yr ardaloedd newid na'r ardaloedd weithgaredd. Dylid diffodd ffônau symudol cyn mynd i mewn i'r ardaloedd yma. Gellir eich gorfodi i adael y cyfleusterau os ydych chi'n defnyddio ffôn symudol yn yr ardaloedd yma.

**3. Loceri**

Ni chaniateir storio eiddo yn y loceri dros nos. Bydd loceri sydd ar defnydd ar diwedd y diwrnod gwaith yn cael eu hagor a'u wacâu.

